

16.09.2014.



UTVRĐEN PRIJEDLOG ZAKONA O IZMJENAMA I DOPUNAMA ZAKONA O DOPRINOSIMA

Federalna vlada je danas utvrdila i Parlamentu FBiH po žurnom postupku uputila Prijedlog zakona o izmjenama i dopunama Zakona o doprinosima, čiji je cilj stvaranje uvjeta za stimuliranje zapošljavanja potrebne stručne radne snage u radno-intenzivnim i niskoakumulacijskim djelatnostima koje su pretežno orijentisane na izvoz (više od 90 posto), odnosno jačanje konkurentnosti na inozemnom tržištu, prvenstveno u tekstilnoj, kožnoj i industriji obuće. Ovo se ostvaruje kroz plaćanje doprinosa na povlaštenu osnovicu ukoliko se zaposleniku isplaćuje mjesečna plaća u visini do 60 posto prosječne mjesečne neto plaće u Federaciji BiH. Također, bio bi stvoren osnov za veću zainteresovanost za investicijska ulaganja u ovaj sektor.

Ujedno, ovaj se propis usuglašava sa Zakonom o mirovinskom i invalidskom osiguranju, odnosno propisuje se da je obrtnik - nerezident Federacije BiH, obveznik dijela doprinosa ako samostalnu djelatnost obavlja na teritoriju FBiH na osnovu odobrenja koje je izdalo nadležno federalno tijelo.

S obzirom da se propisom kantonalne skupštine ne utvrđuju niskoakumulacijske djelatnosti (što

je bio slučaj u ranijem periodu), nego posebnim propisom, predloženom izmjenom Zakona je to ispravljeno.

Također, vrši se usklađivanje s odredbama Zakona o porezu na dohodak, u smislu plaćanja doprinosa, s obzirom da su taksisti posebnim propisom svrstani u niskoakumulacijske djelatnosti i u poreznom smislu imaju isti tretman kao samostalne djelatnosti tradicionalnih esnafskih zanata. S obzirom da Zakon nije sadržavao precizno navedenu taksi djelatnost, ova situacija je u proteklom periodu premoštena Stavom Federalnog ministarstva finansija.

ODLUKA O KRITERIJIMA ZA DODJELU SREDSTAVA U PROJEKTU POBOLJŠANJA PRISTUPA MALIH I SREDNJIH PREDUZEĆA

Federalna vlada danas je donijela Odluku o kriterijima i načinu upravljanja revolving fondom uspostavljenim u projektu Poboljšanje pristupa malih i srednjih preduzeća finansijskim sredstvima. Ovom odlukom su utvrđeni izvori sredstva, kriteriji za utvrđivanje podobnosti banaka i krajnjih korisnika kredita, prihvatljivih podprojekata i troškova za kreditiranje, lokacije projekata, lista neprihvatljivih podprojekata i troškova, iznosa i uslova kredita, te dodatni kriteriji za korištenje i način upravljanja sredstvima revolving fonda nastalog u okviru ovog projekta.

Izvori revolving fonda su sredstva akumulirana otplatama kredita od strane banaka koje su korisnici kredita u ovom projektu, kao i banaka koje koriste sredstva revolving fonda, umanjena za iznos anuiteta FBiH po kreditima Međunarodne banke za obnovu i razvoj - IBRD, odobrenim za podršku Projektu koji se implementira putem Tima za implementaciju Projekta uspostavljenog u okviru Fondacije OdRaz.

Podobnost komercijalnih banaka (za korištenje sredstava iz revolving fonda utvrđuje Federalno ministarstvo finansija. Za vrijeme trajanja Projekta sredstva revolving fonda bit će plasirana putem komercijalnih banaka koje su ocijenjene kao podobne od strane IBRD-a, po kriterijima definiranim u Operativnom priručniku.

Izvor: www.fbihvlada.gov.ba